

Uss duai vegnir spargnà

■ (rtr) Il cussegl naziunal vul ils proxims onns spargnar cunzunt tar l'agid als pajais en svilup. Uschia duai l'agid al svilup purtar bunamain in quart da tut las mesiras da spargn da la confederaziun. Era vul il cussegl federal spargnar tar il persunal da la confederaziun. Il cussegl naziunal vul da princip spargnar. Uschia ha el cleramain refusà las propostas da la Partida socialdemocratica da betg entrar en las contractivas davart il program da stabilisaziun 2017–2019. Adumbatten han la ps ed ils verds argumentà ch'il pachet da spargn na saja betg necessari ed era nuschaivel.

Il cussegl naziunal vul surtut spargnar tar il persunal da la confederaziun. Uschia ha el acceptà la proposta da la cummissiun che vul spargnar ils onns 2018 e 2019 radund 100 milliuns francs dapli che quai ch'il cussegl federal propona da



Cunzunt tar l'agid als pajais en svilup vul il cussegl naziunal spargnar.

KEYSTONE

spargnar. Uschia duai il 2018 vegnir spargnà tar il persunal en tut 243,4 milliuns francs ed il 2019 alura 249,8 milliuns francs. Posts da duana na duajan dentant betg vegnir serrads, ha il pledader da la cummissiun accentuà. Er po la confederaziun sa participar en singuls cas vi da la finanziaziun da rentas transitoricas tar pensiunaments anticipads.

Il daners per l'agid als pajais en svilup duain en cumparegliaziun cun il plan da finanzas dal 2017 vegnir stritgads per 143 milliuns francs. Il 2018 muntan las scursanidas per l'agid als pajais en svilup a 200,5 milliuns francs ed alura il 2019 a 243,4 milliuns francs. Uschia porta l'agid als pajais en svilup quasi in quart da las entiras mesiras da spargn da la confederaziun. Ina proposta da la cummissiun da renunziar sin 100 milliuns francs il 2018 e 2019 ha il cussegl naziunal refusà.